

851  
ROSA VERALLA

Sive

DE LAUDIBVS ILL.<sup>MI</sup> PRINCIPIS

FABRITH CARD.

VERALLI

Odæ Tres.

A MARTINO TONDO

ACAD. PARTH.

DEDICATÆ

Dum publicè de Philosophia disputaret

In

COLLEGIO ROM. SOCIETATIS IESV.



ROMAE, Typis Iacobi Mascardi. MDCXXII.

SVPERIORVM PERMISSV.

*Imprimatur si videbitur Reuerendiss. P. M. Sacri  
Palatij Apost.*

A. Episc. Carin. Vicefg.

*Imprimatur.*

Fr. Gregorius Donatus Rom. Mag. & Reuerendiss.  
P. F Hyacinthi Petronij Rom. S. P. A. M. Socius,  
Ord. Præd.

AD ILLVSTRISSIMVM PRINCIPEM

FABRITIVM

CARD. VERALLVM

PRAEFATIO.

**D**E prima Rosarum  
origine (Illustriss.  
Princeps) viri do-  
ctrinae gloria, mo-  
rumq. praestantia,  
singulares non mediocriter dubi-  
tarunt; Quidam enim (inter quos  
Basilius, Ambrosius, Damascenus,  
Rupertus prima Christiani gene-  
ris lumina recensentur) florem  
Rosarum ab omni spinarum hor-  
rore liberum, sine sylvestribus du-  
mis genitum initio crediderunt.  
cum enim tellus, nostrorum paren-

A 3 tum

6  
tum scelere violata primum fuit:  
spinas, ac tribulos non nisi vindi-  
ctæ loco progerminans Rosam,  
hoc est ipsam pratorum venusta-  
tem, atq; lætitiā educti, continuo  
aquileis vulneravit. Deinde verò  
cum Rosa inter cæteros flores fa-  
cilè obtineat principatū, minime  
omnium illam decebat asperitas  
dura spinarum: cum vel ipse rex  
Apū, quibus natura infixit aquu-  
leum sine mucrone, & cuspidē  
enascatur. Sanè quid amœnitati  
cum vepribus, quid felicitàti cum  
ærumnis, amorī cum iracundia,  
benignitati cum iniurijs, quid de-  
nique Rosæ cum spinis poterat es-  
se commune? Verum libet mihi  
eorum Patrum sequi sententiam,  
qui Rosam cum spinis genitam, &

ut

7  
 vt ita dicam, veluti Palladem ar-  
 matam simul ac natam censuerūt.  
 facit enim, vt ita sentiam, sacrarū  
 litterarum authoritas; in quibus  
 ante culpæ mentionem Deus dicitur  
 omnem herbam regionis pro-  
 duxisse, & die septimo ab omni o-  
 pere producēdo cessasse. facit ra-  
 tio naturalis, quæ docet ab Autho-  
 re naturæ omnia maximè conna-  
 turali modo prouenire: facit &  
 coniectura moralis; si enim amabi-  
 litas Principum nulla seueritate  
 condiretur, nihil improbis non li-  
 ceret. Neq; tamen negauerim Ro-  
 sas arte quadam admirabili sine  
 spinis progigni posse, vt multi se  
 vidisse testantur. Sanè hæc tua fœ-  
 licitas est (Illustriss. Princeps) vt  
 Rosam Verallam hoc est benigni-  
 tatem

8  
tatem summā innocuam planē, &  
sine vllō asperitatis aquuleo gra-  
tissimam omnibus semper exhi-  
beas, mihi certē quicquid in ho-  
dierna disputatione amplitudinis  
accedit, & gloriæ Rosæ, humani-  
tatis, inquam, tuæ suauissima fra-  
grantia est: eam vt ego apud alios  
etiam propagarem, Rosam ipsam  
Veralliam de Cēlo ab Aurora tuę  
lucis, cuius radios in dies clariores  
exerior, delatā, vndarumq. tua-  
rum obsequio frigeratam effinxi,  
deinde in Zephīro, Iunone serena,  
ac Ioue Pluuio, quibus Rosa na-  
scitur, ac seruatur, affabilitatem,  
maiestatem, ac beneficentiam,  
tuam monumento Poetico hunc  
in modum dedicaui.

ZEPHIRVS

ZEPHYRVS CVM AVRIS,  
ET MVRMVRILLIS,  
S E V  
DE AFFABILITATE PRINCIPIS  
O D E I .

**S**VRGE ludibunde surge  
Veris arbiter Fauoni :  
Surge florulente surge  
Orbis innocens colone .

Artifex amœnitatum,  
Pulcrioris auctor anni,  
Architecte gratiarum :  
Aura mitis, aura dulcis  
Surge prouocata, surge .  
Rosa te vocat Verallia,  
Fœcunda gloriarum :  
Regina gentis floreæ,  
Et veris Imperatrix .  
Vides vt altè prænitet  
Virente nixa culmo ?  
Solumq; de folijs sibi  
Erexit implicatis ?

Aurum

Aurum coronat verticem ,  
 Vestem colorat ostrum .  
 Ad corporis custodiam  
 Spinæ excubant minaces  
 Hoc nobilem cultu Rosam  
 Regnare quis negabit ?  
 Huc passus volucres age  
 Quo te ver geminum allicit :  
 Quà te floriferum manet  
 Floris pompa Verallij  
 Ades huc rapidis ocyor Euris  
 Lucundissime fratrum ,  
 Flos animarum , florumq; anima ,  
 Terræ vita comantis .  
 Iubar hortorum , cultor odorum  
 Rerum verna voluptas  
 Ore patenti , rore feraci  
 Florem sparge beatum .  
 Quamquam leuior cede fauoni :  
 Nobilioris flatibus auræ ,  
 Quæ blanda fouet , quæ fausta fauet ,  
 Quæ larga venit , quæ lata volat  
 De magnanimæ vertice mentis ,  
 De munificæ fulgure dextræ ,  
 De clementi Principis ore

De



De radiosâ luce Veralli  
Dum tranquilla reciprocât  
Murmura vocis,  
Dulces aura Verallia  
Commouet æstus:  
Felices placido ferens  
Pectore sensus.  
Ergo Principis sereno  
Victus ore, victus aura,  
Cede iam minor fauoni,  
Floreiq; regna Veris  
Præsidis Rosæ Veralli  
Redde, ludibunde, redde.



12  
IVNO SERENA  
S E V  
DE PRINCIPIS MAIESTATE  
ODE II.

**I**AM fulgurantis recludit oris  
Nymbum serena fœtum procella  
Tranquillioris Matrona mundi.  
Iam feriatum terrore Cælum

Vesaniētes defrænāt ignes,  
Depræliantes compescit auras,  
Iniuriosos componit æstus,  
Deponit astus, deponit iras.  
Ab imperanti vultum sequacem  
Iunone fingit. sic de colore  
Regnantis, aulæ mores colorant.  
Cernis beatæ de nube frontis,  
Discriminato quæ fulget auro,  
Exempla dulci vt furto reducit  
Affusa pubes, peñnata pubes?  
Quin, & fugacem lucis rapinam  
Vitro coercet, cuius nitentem  
Orbem umbra plumbi subiecta opacat.  
Exinde fulgor nigranti ab hoste

Ille-

13  
Illustriorem passus repulsam  
Cælum corusca linquit ruina ,  
Terrasq; casu lustrans decoro  
Illustrat orbem . nam cuius ortus  
Occasus ille est . en vt Veralli  
Clarescit astro , pubescit ostro  
Nascentis auspex Aurora solis ,  
Primumq; cois ferre ab rosetis  
Florem diei parcit , Rolamq;  
De vere magni præfert Veralli .  
Hic ille nempe est , cui par olympo .  
Mentis potestas assurgit altæ :  
Cui cordis alimum floret serenum  
Intaminato candore vitæ .  
Tu Roma colles assueta septem  
Gratum Veralli nomen docere ;  
Tu sæpe digno gratata ciui  
Nil discoloris æui prioris  
A laude mores : tu fare , quanta  
Seu corde regnet , seu voce gliscat  
Cultrix honorum , nutrix amorum  
Pâtrona mundi , Regîna rerum  
Romana virtus , cui cella mēns est ,  
Cui pectus iugens , cui frons serena ,  
Cui Regium cor ; Romanus hic est .

I V P P I T E R

14  
I V P P I T E R P L V V I V S

S E V

DE BENEFICENTIA PRINCIPIS

O D E I I I .



O E L I postibus æreis  
Quæ vis imperioso  
Noua iura dicit impetu ?  
Æterna mundi mœnia  
Ruina quæ laceffit ?

Auricomæ penetrale lucis ,  
Obtutibus negatum ,  
En fractum pater . vltimos  
Ergo tenet mora nulla casus ?  
An credulis amabilis  
Imposuit error sensibus ?  
Interpres malefidus  
Sortis ambiguae est metus .  
Non ætheri dispendia ,  
Sed compendia terris  
Ille tonantis fert fragor orbis .  
Namq; ecce liberalibus  
Iuppiter nymbis pluuius , liquentes

Thefauros

15  
Thesauros amat abdere  
Magnæ parentis in sinum .  
Beata tempestas, humum  
Quæ rorulento verbere  
Non irritat, at irrigat,  
Fœcundat, haud inundat;  
Et dum percutit, excitat  
Mille frondium virores,  
Florum mille colores,  
Felicissima nubium  
Fertilis parens procellæ,  
Quæ splendide æstuosa  
Imbres dum serit vberes,  
Campos conserit aridos:  
Si tam frugifera ætheris  
Tristitia est: benigni  
Qualis erit placida aura vultus?  
Latè bonis exuberans  
Large hæc fundere gaudet  
Lucis patria. Lucidum  
At inde qui genus trahit,  
Proximus Cælo, eximiusq; terris,  
Liberalis esse Princeps  
Discit ne primus, an docet?  
Quam dissidentes excoluit plagas

V eralliz

Verallia felix Rosæ  
Aura, è purpureo sinu  
Afflans odorum asperginem  
Tam latè generoso  
Tutata menti dextera  
Munerum gratos iaculatur imbres.  
Vt de rore Verallio  
Seges ingenij læta virescat,  
Pullulet alto germine virtus:  
Et vere alio floreat Orbis.

